



沉釀埭 秦嘉會稽志在若耶溪東十道志鄭弘舉送赴洛親友餞于此以錢投水依價量水飲之各醉而去一名沉釀川

蘭渚 (蘭亭考) 越州山陰有蘭渚在縣西南二十五里王右軍曲水賦詩作序于此

離渚 (弘治紹興府志) 在府城西三十里發源自唐里六峰諸山縈回合流渚溪

權潭 (山陰縣志) 去縣西南一百三十里水清味甘

右軍墨地 (弘治紹興府志) 在縣西南二十五里按宋志云每朝廷恩命至池水必先黑

玉帶泉 (舊浙江通志) 在琵琶山下泉味甘而冽色微白故謂之玉帶

半月泉 (西溪叢語) 李紳天衣寺詩殿涌金身塔池開半月泉此泉隱巖下雖月圓只見其半最為佳處紹興初僧法聰鑿開巖上名曰滿月甚可惜也

海 (明一統志) 在縣北三十里曹娥錢清浙江三水所會謂之三江海口

會稽山 (嘉泰會稽志) 在縣東南十三里周禮揚州之鎮山曰會稽山海經云會稽之山四方其上多金玉其下多砮石勺水出焉史記云禹會江南計功命曰會稽會稽者會計也吳越春秋云禹登茅山以朝羣臣乃大會計更名茅山曰會稽山輿地志云一名衡山其山有石狀如覆繡以謂之覆繡山十道志云一名苗山一名塗山吳夫差入越王以甲楯五千保會稽山(水經注)會稽之山古防山也一名鎮山又曰棘山越絕云棘猶鎮也(太平御覽)隋開皇十四年詔會稽等山並就山立祠唐開元十四年封四鎮山為公會稽曰永興公有南鎮永興公祠

宛委山 (名勝志) 在縣東南十五里上有石壁(贊)立于雲升者累梯而上十道志石簣山一名宛委一名玉筍會稽風俗賦韞玉有筍有懸崖之險一名天柱山昔禹治水歌功未成齋戒于此得金簡玉字因知山河體勢通甲開山圖云禹治水至會稽宿衡嶺宛委之神奏玉匱書十二卷禹問之得赤珪如日碧珪如月是也(吳越春秋)宛委山中藏金簡書禹與衡山見赤繡文衣男子自稱元夷蒼水使者云欲得簡書知導水之方請齋于黃帝之岳乃登山發石果

得具文

秦望山 (水經注) 在州城正南為眾峰之傑秦始皇登之以望南海自平地以取山頂七里縣嶝孤危徑路險絕記云板蕪捫葛然後能升山南有嵯岷一裏有大城越王無餘之舊都也

刻石山 (嘉泰會稽志) 在縣西南七十里一名鵝鼻山(水經注)秦始皇登稽山刻石記功尚存山側孫暢之述征書云丞相李斯所篆也(元豐九域志)秦始皇刻始皇坐兩廂分石八所云是丞相以下坐(西溪叢語)越王棲于會稽宮城避于此又云城邊山

望秦山 (嘉泰會稽志) 在縣東南三十二里始皇登此以望秦中一名天柱峰一名卓筆峰

雲門山 (雲門志畧) 在府城南三十里晉義熙二年中書令王獻之居此有五色雲見詔建雲門寺

何山 (一) 在雲門西一里采何子季所居王十朋謂秦刻石在其上

若耶山 (一) 在府城南四十四里下有采蓮田東又有若耶嶺舊經云葛

元學道于此(太平寰宇記)若即山葛元所隱桐几化成白鹿三足

赤堇山 (名勝志)在會稽山南舊經歐冶子為越王鑄劍之所一名鑄浦山越絕

書赤堇之山破而出錫亦名錫浦國策破堇山而出錫薛燭曰赤堇之山已合

無雲張景陽七命即溪之銀赤山之精山旁有井歐冶子取水淬劍曰歐冶井

有洞曰玉洞

穀米山 (明一統志)在府城東南七十里十道志舜常耕此山天降嘉穀故名

白鶴山 (陽明洞天圖經)在縣東一十六里孔聖符會稽記云此山在射的山西

南水中有白鶴為仙人取箭又名箭羽山

射的山 (寶慶會稽縣志)在縣南十五里與白鶴山相連(水經注)遠望山的狀若

射侯故謂之射的射的之西有石室名為射堂年登否常占射的以為貴賤之

準的明則未賤的昏則未貴

葛山 (明一統志)在府城東一十里句踐種葛于此

刺涪山 (萬曆會稽縣志)在雲門山南一名明覺山蓋明覺寺基也頂有池大旱

不涸

石帆山 (弘治紹興府志)在府城東十五里(水經注)山東北有孤石高二十餘丈

廣八尺望之如帆因以為名

鹿池山 (名勝志)在會稽山之東北嘗有白鹿遊此水經注云鏡湖水自東亦注

江通海水側有白鹿山又曰湖北有三小山謂之鹿野山按吳越春秋乃越之

麋苑也上有石室相傳為越王游息處

洞浦山 (嘉泰會稽志)在縣東南二十四里舊經云即湖南龍尾山西南之趾

筓黃山 (在縣東十二里舊經云秦始皇東游于此供芻草俗呼遠

門山

少微山 (名勝志)距鹿池二里宋職方郎齊唐隱居之所

土城山 (嘉泰會稽志)在縣東六里吳越春秋王得西施鄭旦飾以羅縠教以行

步習于土城教于都巷三年學服而獻吳王

寶山 (弘治紹興府志)在縣東南二十五里一名上臯山：嶼有趙家巖即南宋

錫山 (嘉泰會稽志) 在縣東五十里舊經云越王採錫于此

橫山 () 在縣東三十四里

銀山 (萬曆會稽縣志) 在縣東五十里

東化山 (會稽縣志) 一名將軍山

西化山 (萬曆會稽縣志) 一名筆峰與東化山接在雲門山

諸葛山 () 在府城東南六十里葛洪常棲于此亦名葛巖

銅牛山 (嘉泰會稽志) 在縣東南五十八里(水經注)山有銅穴三十許穴中有

大樹神廟山上有治官山北湖下有練塘里吳越春秋云句踐鍊冶銅錫之處

(輿地紀勝)昔銅牛見于重沓橋人逐之奔入此山拉地得銅屑云

舜山 (雲門志略) 在府城東南四十里一名筆架山：高可十里餘上有水田可

稻縹黃之流往：茅茨其上

壕山 (嘉泰會稽志) 在縣東七十里漢駱夫人學道于此昇仙有石室石井丹竈

存焉

稱山 () 在縣東北六十里舊經越王稱炭鑄劍于此俗呼稱心山

稷山 (寶慶會稽縣志) 在縣東五十三里稱山南舊經名穢山越王種菜于此後

漢謝夷吾為穢鄉書夫即此越絕云句踐齋戒壇也亦曰齋臺山十道志一名

棕山

白塔山 (萬曆會稽縣志) 在府城東五十里

犬亭山 (嘉泰會稽志) 在縣東南三十里舊經越絕並云句踐畜犬獵南山白鹿

即此(會稽縣志)歲久相延呼為狗山又曰吼山俗謂宋攢陵所在眾山皆拱此

山獨否故名之曰吼取呼而相向義也(萬曆會稽縣志)山北岸有小山曰曹家

山舊為工人伐石玲瓏若戶牖歲久蘿木蔓之積水成潭移舟其中一洞天妙

景也

覆斗山 (呂祖謙入越記) 楓江南岸有覆斗山：形正方若斗覆

太平山 (嘉泰會稽志) 在縣東南七十八里晉謝敷隱居山中十餘年以母老還

若即

陶真嶺 (會稽縣志) 在縣東南四十里舊經云陶弘景隱于此山

日鑄嶺 (嘉泰會稽志) 在縣東南五十五里昔歐冶子鑄五劍采金銅之精于山

下 (歸田錄) 草茶盛于兩浙
兩浙之品日鑄第一

茅岬 (輿地紀勝) 在縣東一十八里茅君隱于此一名玉笥出美玉山之陽曰香

壚峰

石傘峰 (明一統志) 即會稽山之別峰下有范蠡養魚池

方干島 (於越新編) 在會稽山東北俗呼寒山唐方干別墅在鑑湖中故曰島

葛仙巖 (陽明洞天圖經) 禹穴有石巖高丈餘南面側平如削真誥云此石于赤

鳥二年天降從安息國飛來上有索痕三條名為飛來石晉葛仙翁曾築壇煉

丹後人名葛仙巖煉丹井

陽明洞 (嘉泰會稽志) 在委宛山龍瑞宮舊經三十六洞天之一洞也一名極

元太元之天洞外飛來石下為禹穴傳云禹藏書處史記太史公自叙上會稽

探禹穴注云禹至會稽因葬焉上有孔穴水經云山東有硯深不見底東游者

多探其穴今無可考 (呂祖謙入越記) 龍瑞宮傍即禹穴乃大石
中折成罅殊不古殊非司馬子長所探也

東小江 (萬曆紹興府志) 在府城東南九十里亦名小舜江西為會稽東為上虞

其源出浦陽江東北流入曹娥江

曹娥江 (嘉泰會稽志) 在縣東南七十里江因娥得名也(名勝志) 源自剡溪來東

折而北至曹娥廟前名曹娥江又北至龍山下名舜江又西北折入于海

若即溪 (明一統志) 在府城南二十里與鏡湖合西施採蓮歐冶鑄劍于此吳越

春秋若即之溪深而莫測後漢劉寵為會稽太守若即父老人齎百錢相送因

名劉寵溪(會稽縣志) 唐徐季海嘗遊嘆曰曾子不居勝母之里吾豈遊若即之

溪遂改為五雲溪

埭浦 (萬曆紹興府志) 在府城東北四十里

想風涇 (萬曆會稽縣志) 在縣東南二十五里孔靈符會稽記云射的山白鶴常

為仙人取箭漢鄭弘少時採薪得一遺箭頃之有人覓箭問弘何所欲弘識其

神人也。答曰：常患若耶溪載薪為難，願朝南風，暮北風，後果然。世孫樵風涇炭瀆。《水經注》：吳越春秋云：練塘句踐鍊冶銅錫之處，采炭于南山，故其間有炭瀆。句踐臣吳王封句踐于越，百里之地，東至炭瀆是也。

平水 《嘉泰會稽志》在縣東南三十五里，鏡湖所受三十六源之水，平水其一也。御河 《於越新編》在府城東南十五里，自董家堰抵寶山，來橫宮河也。

麻潭 《水經注》下注：若耶溪水至清，照眾山倒影，窺之如畫。

日月池 《輿地紀勝》在縣治東北一里，池二所，俗傳錢武肅王有日疾，故浚此二池。

南池 《明一統志》在縣南二十五里，相傳范蠡養魚處。

鄭公泉 《水經注》：寒溪之北有鄭公泉，方數丈，冬溫夏涼。漢太尉鄭弘宿居潭側，因以名泉。《嘉泰會稽志》：輿地志云：弘雖居台輔，嘗思故居，曾病困，思得此泉水，家人馳取，飲少許，便差。

菲飲泉 《明一統志》在府東南十二里，大禹寺西。

真珠泉 《萬曆紹興府志》在少微山齊祖之家山，十詠泉其一也。

苦竹泉 《明一統志》在秦望山側，林多苦竹，泉出其下，故名。

禹井 《在會稽山水經注》云：山南有硯去廟五里，謂之禹井。

葛仙井 《在禹穴側，葛洪煉丹于此。

海 《嘉泰會稽志》在縣北二十里。

蕭山縣

蕭山 《名勝志》在縣西一里，舊志：晉許詢于此，憑林築室，有蕭然自適之趣。考漢書地理志：餘暨縣蕭山，滂水所出，東入海，則名不始于詢。

菊山 《於越新編》在縣西二里。

茗山 《嘉泰會稽志》在縣西三里，《玉十朋會稽風俗賦》：茗山鬪好。

北幹山 《嘉泰會稽志》在縣北一里，晉許詢家于此山之陽。

去虎山 《在縣北五里，山有猛虎，嘗傷人，一夕負子渡江，西去，縣令

杜守一因名其山，時景德四年六月晦也。

城山 (名勝志) 在縣西九里其山中平四高突四城堞吳伐越次查浦越立城以守查此山即其地名越王城山半有池曰洗馬泉中產嘉魚越拒吳時吳意越必乏水以藍魚為餽越取藍魚答之遂解圍

定山 (萬曆紹興府志) 在縣西一十二里

石巖山 (名勝志) 在縣西南十二里峻岿巖危狀如獅子巔有香泉方四尺深尺許

許

荏山 (嘉泰會稽志) 在縣東北十里舊經云越王種荏于此

塔山 (一名南山) (萬曆紹興府志) 在縣南二十五里縣學向之有文筆峰絕頂舊有塔其南坳如舟名石船塢

三臺山 (嘉泰會稽志) 在縣南五十里

摩烏山 (紹興府志) 在縣西南十五里東方朔神異記亞夫斬蕭山南嶺將摩于

烏江蓋江東以擲為摩云

冠山 (名勝志) 縣西十七里山形如冠有泉甘冽

連山 (在縣西二十里長岡九里舊經秦始皇欲置石橋渡浙江今石柱

數十列于江際旁有小山號石井山其井上廣下曲相傳為妃子墓

獅子山 (萬曆紹興府志) 在縣西二十三里浙江正當其面

石牛山 (在縣西南八十里其東之徑抵富陽縣界

大山 (名勝志) 在縣西南九十里橫亘三都一名長山其南之最高者曰鏡臺山

一名白石山許詢修煉之所巖曰元度巖洞曰仙人洞草木皆香可以療疾又

曰百藥山

龍門山 (紹興府志) 在州口山北十里兩山對峙上有龍湫

翠嶂山 (嘉泰會稽志) 在縣西二十五里一名婁駕山

佳山 (萬曆紹興府志) 在縣南九十里

尖山 (在縣南五十里桃源鄉

金鷄影山 (一名峽山) (嘉泰會稽志) 在縣南六十里八面向江有鷄籠石

茅蘿山 (在縣南三十里有西施廟一在諸暨

(輿地廣記) 西子出蕭山縣(毛奇齡) 蕭山縣

志刊誤山有西施宅、前有紅粉石西施屬諸暨本之十道國經吾謂施浙屬蕭不屬諸者考後漢書郡國志于會稽郡餘暨縣下云越絕書曰蕭山西施之所出此亦信文之一端也

涉皇山 (後漢書郡國志注)謝承書有涉皇山

臨江山 (嘉泰會稽志)在縣東南二十里舊牛頭山天寶中改此名(太平寰宇記)

臨江山在縣東南水陸並行二十里其山北江水迴流舟行信宿猶經萬渚說

云牛頭芋蕪一日三過

黃竹山 (晏公類要)在縣東三十三里越絕書云范蠡道鞭于此生荀為竹

黃

螺山 (嘉泰會稽志)在縣東二十里形似螺故名

洛思山 (太平御覽)永興縣東五十里有洛思山漢太尉朱雋為光祿大夫特遭

母喪欲卜地此土將歸洛下冢師相地云去鄉既遠歸思常深忽極日千里北

望京洛遂紫咽而死葬山頂

鳳凰山 (萬曆紹興府志)在縣東三十里又名慈孤山石崖之間有望夫石

吹樓山 (嘉泰會稽志)在縣東四十里一名岵帝山

航塢山 (名勝志)在縣東四十里舊經云句踐之航也山巔有湫曰白龍井

龕山 (紹興府志)在縣東五十里其形如龕相傳為錢武肅屯兵之所明時官兵

于此破倭寇馬一巨石有馬蹄跡名馬蹄石

蟹子山 (蕭山縣志)在縣東北三十五里在海中與海亭縣諸山對峙又云蟹子

門

塚嶺 (舊浙江通志)在縣南六十五里諸暨縣界

浙江 (蕭山縣志)在縣西十里其源自南直徽州黟縣來經富陽入縣境北轉海

亭入于海 詳見錢塘縣

浦陽江 (嘉泰會稽志)在縣東源出浦江北溪入諸暨縣溪又東北流由峽山直

入臨浦灣以至海俗名西小江一名錢清江 (蕭山縣志刊誤)三江尚書孔傳周

以為松江委江東江尤謬吳地無東江且史記正義但云委江入海已耳未聞有三也國語曰吳之與越三江環之又曰與我爭三江之利者非吳耶夫松江馬能環越且松江浦陽江也此說最當今西小江則浦陽經流錢清江則浦陽尾閘者松江浙江浦陽江也此說最當今西小江則浦陽經流錢清江則浦陽尾閘

也故蕭山西小江入
錢清江處有三江口

湘湖 (於越新編) 在縣西二里本民田低窪受浸宋時居民奏乞為湖政和年楊
龜山未知縣事遂成之 (嘉泰會稽志) 周八十里生蓴絲甚美

漁浦 (明一統志) 在縣西三十里

臨浦 (舊浙江通志) 在縣南三十里即浦陽江水所經

潘井 (嘉泰會稽志) 在縣西南七里漢書地理志注云蕭山潘水所出意水源或

出于此

諸暨縣

長山 (名勝志) 一名陶朱山縣西一里北有戚家嶺亦曰七岡以范蠡居山之南

有范蠡巖下有鷓鴣井

稽山 (嘉泰會稽志) 在縣西一十八里一名諸山

芋蘿山 (太平御覽) 諸暨縣北界有羅山越西施鄭旦所居所在有方石是西施

晚紗處今名芋蘿山

(閩朱新錄) 蕭山諸暨之間有東施西施二村西子生于西村

漁稽山 (諸暨縣志) 在縣北二十五里縣之坐山

巖崖山 (嘉泰會稽志) 在縣北五十里

大巖山 (在縣北五十里)

五洩山 (水經注) 諸暨縣洩溪中道有兩高山夾溪造雲壁立凡有三洩：懸三

十餘丈廣十丈中二洩不可得至登山遠望乃得見之下洩懸百餘丈水勢高

急聲震水外上洩懸二百餘丈望若雲垂此是瀑布土人踴為洩也 (舊浙江通

志) 縣西五十里輿地志山峻而有五級故以為名刁約謂之小雁蕩

衡山 (嘉泰會稽志) 在縣西南二十里

五指山 (弘治紹興府志) 在縣南六十五里山形如指故名

石鼓山 (紹興府志) 在縣南五十里山下有盤石如鼓扣之有聲多產黃精白朮

竹箭相傳唐王鍊師居其中

八柱山 (舊浙江通志) 在縣西南七十里浦江縣界水發柱南者為南源發柱西

者為西源

浮塘山 (名勝志) 在縣南二十五里山巔有塘雲覆其上俗呼為浮塘亦呼茅塘
句東山 (嘉泰會稽志) 在縣南五十里國語越臣于吳、更封越南至句東即此
金澗山 (萬曆紹興府志) 在縣南六十里下有坑相傳有金宋元間命官淘泉間
得之如糠粃然知州馮翼上其事罷之

柯公山 () 在縣東北五十里

九江山 (嘉泰會稽志) 在縣北二十五里石室幽邃刻石為女人四踵重女諸女 (諸
暨縣志) 亦曰仙姑山

金鷄山 (名勝志) 與茅蘿山相對越絕書鷄山豕山句踐以畜鷄豕者俗訛鷄山
為金鷄

宣家山 (紹興府志) 在縣東七十里嵒巖界

五岫山 (萬曆紹興府志) 在縣東六十里峰巒秀出者五與會稽雲門相連

東白山 (嘉泰會稽志) 在縣東九十里一名大白峰連跨三邑其在剡曰西白在
東陽曰北白

烏帶山 (太平御覽) 在縣西北其上多紫石居士謝敷少時經始諸山往、還易
功費千計生業將盡後夢山神語之曰當以五十萬相助覺甚怪之旦見主人
床下有異色甚明試取拭視乃紫石因問所從來云出此山遂往掘果得具利
不質 (諸暨縣志) 舊名烏筮山亦名采仙山

抗鳥山 (嘉泰會稽志) 在縣北七十五里疊嶂七十有二傍有抗鳥刺史廟一峰
特高風雨晦冥時常聞樂聲鼙鼓吹峰

寶掌山 (名勝志) 在縣東南四十五里一名千歲巖唐貞觀中寶掌禪師開巖于
此自云年已千歲真身在半巖去地四十九尺山巖中石室可容百餘人洞口
石壁數片如削禪師種貝多木一株在巖上時有頻伽鳥巢其上

金鵝山 (輿地紀勝) 在縣南五十里舊經云有金鵝自此山飛入吳郡

鷄冠山 () 在縣西五十里山形如鷄冠出奇石其紋若星月花獸上有

玉女冢

懸林山 (太平寰宇記) 謝靈運作山居賦于此山

鐵崖嶺 (名勝志) 在縣東二十里崖石如鐵峻立高百丈上有綠苔樹百本又有龍湫山之陰一小山泉出其下可照鬚髮

白水嶺 (萬曆紹興府志) 在縣東南八十里東陽縣界

陽塘嶺 (在縣西五十里浦江縣界)

斗子巖 (名勝志) 在縣南四十里形高如斗峻不可上

玉京洞 (於越新編) 在洞巖上其洞十數重深十餘里必秉火以入必以物記

其處洞門相似者多不則迷出路矣或云深處行二三日可抵錢塘江

仙巖洞 (嘉泰會稽志) 在五洩山

浣江 (在縣南一里又曰浣渚俗傳西子浣紗之川)

泓浦湖 (舊浙江通志) 在縣東北五十里周圍八十餘里

緊浦 (泰嘉會稽志) 在縣北十九里吳王闔閭弟之子夫摩所封因以為名

山遐浦 (在縣東八十里舊經云山遐漸高以湖為浦取漁所集于

彼後人思之歸山遐浦按遐字考林建元初為餘姚長後至東陽太守出晉書

本傳

干溪 (名勝志) 在縣東北六十里吳干吉所居俗以溪水常涸因訛為乾溪

海 (舊浙江通志) 縣去海二十里

餘姚縣

秘園山 (嘉泰會稽志) 在縣北六十七步上有石匱夏禹藏重秘園之所初名方

文山唐天寶六年改今名

龍泉山 (名勝志) 在縣城中秘園山西一里許山腰有微泉不竭所謂龍泉也舊

名重緒山亦名嶼山

大黃山 (紹興府志) 在縣東二里亦名鳳山

竹山 (在縣東南五里形如龜其北趾踐于江是為縣水口)

白山 (萬曆紹興府志) 在縣東南三里亦名蛇山

西石頭山 (嘉泰會稽志) 在縣西三里

童山 (在縣西三里)

馬渚山 (餘姚縣志) 在縣西三十里相傳云秦皇飲馬于此

吳女山 (嘉奉會稽志) 在縣西三十八里舊名娥眉山天寶六年改今名

豐山 (萬曆紹興府志) 在縣西北五里東西二峰相峙俗呼東豐山西豐山

勝歸山 () 在縣北三里相傳晉劉牢之勝孫恩歸屯此故名

烈山 (餘姚縣志) 在治東五里

化安山 (舊浙江通志) 在縣東南二十里有雙瀑數十丈泉曰化安泉在明黃忠

端公墓側

黃箭山 () 在縣東南十八里有龍洞三禱雨輒應

九壘山 (紹興府志) 在縣東九里又名九里山

大小雷山 (嘉靖餘姚縣志) 去治南二十里神仙所宅獵者汗觸之輒震雷

羅壁山 (明一統志) 在縣南十八里有漢虞國野襟帶溪山巖谷大勢具體金谷

晉郝愔為會稽內史因卜居焉

白水山 (名勝志) 為西四明在縣西南六十里山壁峭立有泉四十二道投空而

下是曰白水白宮在其下

太平山 (於越新編) 在縣南八十里山形似繖四角各生一種木一檉一梓一楮

一榲(藝文類聚)餘姚江源出太平山東至決江口入于海

四明山 (名勝志) 在縣南一百十里詳見寧波府鄞縣高一萬八千丈周圍二百十里

跨數縣由鄞小溪而入者曰東四明由餘姚而入者曰西四明由奉化雪竇而

入者直曰四明在餘姚境者由白水向東南行二十餘里其中為 朶峰山南

則芙蓉五峰相望各五六里其中峰有漢隸深刻四大字曰四明山心其上為

騫風巖東南十里為殺羊巖又南為分水嶺界于鄞縣騫風巖之石為石窗四

面玲瓏每天地澄霽望之如牖戶中通日月之光亦名四窗是稱四明石窗

大蘭山 (嘉奉會稽志) 在縣南八十里相傳漢劉綱夫婦于此仙去

烏瞻山 () 在縣西南四十里

靈源山 () 在縣西南三十里有泉曰靈源故名

東明山 () 在縣西南五十里

塢山 (名勝志) 在縣西南十二里舊經云支道林居剡每遠來塢山或問之答曰謝安石昔來見就輒移旬日今舉目觸情不覺欣賞後病甚遂移來塢中

姜山 (萬曆紹興府志) 在縣西五十里其袤十里下有姜女泉

巖山 (嘉靖餘姚縣志) 在治西北十四里

照兵山 (萬曆紹興府志) 在縣西北十二里晉高雅之討孫恩于此照兵焉今呼

為照碧

石堞山 () 在縣西北十五里有白龍湫禱雨輒應

禾山 (名勝志) 在縣西北二十里謝靈運云山海經有浮玉山北望具區今餘姚

烏道北禾山與具區相望即浮玉也

鑊劍山 (嘉泰會稽志) 在縣西北四十里

眉山 (弘治紹興府志) 在縣北三十七里

廬山 (方輿勝覽) 在縣東八十里按廬山鄭康成云在河南今越有廬山象曰舜

并蓋餘姚舜餘族所封子孫思舜之鄉取象于此 (蘇鶚演義) 廬山有四一河中

以河中為是

姚邱山 (弘治紹興府志) 在縣西北六十里舜餘族所封

冶山 (嘉泰會稽志) 在縣東北二里傳云歐冶子鑄劍之所

安山 () 在縣東北十里

烏戎山 (萬曆紹興府志) 在縣東北十七里

流停山 (嘉靖餘姚縣志) 在縣東北二十里下為石堰

陳山 (名勝志) 在縣東北十里遠望山形卓峭如筆至其巔則正平本嚴光故里

有墓在焉亦名客星山

梅梁山 (萬曆紹興府志) 在石匱山南二里梅溪水自其西出

石室山 () 在縣東北二十三里空洞如屋

彭山 (嘉靖餘姚縣志) 在縣東北二十八里

孤山 (於越新編) 在縣東北二十八里四峰如筆格最秀前有墩曰漲沙墩浮出

湖中雖大水溢不沒

匡山 (弘治紹興府志) 在縣東北四十里一名康山

石墮山 (名勝志) 在燭溪湖中三面皆水自高山望之正方如墮

屯山 (弘治紹興府志) 在縣東北十五里

航渡山 (嘉靖餘姚縣志) 在縣東北二十二里

虞山 (嘉泰會稽志) 在縣西三十里

許山 (弘治紹興府志) 在縣東北三十八里三山所城跨山脊

埋馬山 (於越新編) 在縣東北三十五里舊有石臥水如馬或云宋高宗為金所

逐徒步行中逢忽得馬疾馳向明州至此馬化為石

蔡山 金山 破山 (名勝志) 三山相峙如鼎足因名鼎峰俱在縣東北三十五

里

懸泥山 (嘉泰會稽志) 在縣北六十里孤峙海中

仙居山 (於越新編) 在縣東北六十里狀類栲栳亦曰栲栳峰

瀑布嶺 (茶經) 越州餘姚茶生瀑布嶺者踞曰仙茗大者珠異小者與襄州同

桃花嶺 (明一統志) 在縣南二十里下有大桃樹約數圍

梅嶺 (弘治紹興府志) 在縣東三十五里

九曲嶺 分水嶺 (舊浙江通志) 俱在縣南八十里大蘭山東

清賢嶺 (在縣西南三十里塢山南晉謝安支遁許詢數往來焉

吳山洞 (嘉泰會稽志) 在縣東北洞面滄海巨浪激撞巖石嵌空

嚴陵塢 (萬曆紹興府志) 在客星山下十道志嚴子陵避光武聘處

姚江 (名勝志) 在縣南十步許又名舜江

菁江 (嘉泰會稽志) 在縣西十五里源出四明山北流匯餘姚江以達菁江

秘園湖 (弘治紹興府志) 因秘園山而名今為縣治

燭溪湖 (名勝志) 在縣東北十八里舊經云昔人逢失道忽有二人執燭夾溪而

行乃因得路故名

梅澳湖 (嘉泰會稽志) 在縣東北一十八里東即燭溪湖此其澳曲也

郝家池 (舊浙江通志) 在羅壁山晉郝曄池也

雁池 (明一統志) 在縣南渡雁鄉輿地志云有漢虞國宅國為日南太守愛民及物出則渡雁隨軒秩滿還家雁與俱至其卒也棲于墓不去後人名其水曰雁池

龍泉 (舊浙江通志) 在龍泉山趾宋高宗飲之甘因取十甕以去海 (興去海四十里)

上虞縣

五癸山 (弘治紹興府志) 在縣北十里

昇相山 (嘉泰會稽志) 在縣南三十五里

上申山 (在縣南四十里)

釣臺山 (名勝志) 在縣東南五里許下瞰深潭云葛洪釣處縣西南七里許西溪湖之陰亦有釣臺其山有木槎大十圍陶隱居常乘之垂釣既去槎墜于潭底遂不復浮

蔡墓山 (在縣西十二里蔡邕卒墓此攷本傳邕嘗亡命會稽其墓則非

也

羅巖山 (萬曆上虞縣志) 在縣東七里丹崖翠壑雄冠衆山：半石上錫羅巖二

篆字

蘭芎山 (一名蘭風山) (水經注) 縣南有蘭風山：有三嶺枕帶長江岑峩孤危望之若

傾綠山之路下臨大川皆作飛閣闌干乘之而渡謂此三嶺為三石頭丹陽葛洪遁世居之基并存焉琅邪王方平性好山水又愛宅蘭風垂釣于此

佛跡山 (名勝志) 在縣西北四十五里有石如巨人足跡

龍頭山 (在縣西北三十里西瞰曹娥江(太平御覽)上虞縣有龍頭山上

有蘭峰：頂盤石廣丈餘葛洪學仙坐其上

銅山 (弘治紹興府志) 在縣西南二十五里

象田山 (嘉泰會稽志) 在縣西南四十里周四十餘里南有舜井

嶮山 (於越新編) 在縣西南四十二里高數百仞銳如卓筆漢東陽駱夫人于此

上昇有石井丹竈

指石山 (嘉泰會稽志) 在縣西南五十里

東山 (在縣西南四十五里) 晉太傅謝安所居也其巔有謝公調馬

路白雲明月二堂遺址又西一里始寧園乃謝靈運別墅一曰西莊山西有太

傅墓山半有洗屐池東西二眺亭舊經云梁徵士魏道微修道得仙于謝安山

南史杜京產與顧歡開舍授學于東山下今有杜浦碩豐(韻語陽秋) 會稽臨安

以為謝安搗妓之所安本傳初居會稽與王羲之許詢支遁游處被召不至遂

接連東山此會稽之東山也本傳又云安石常住臨安山中坐石室臨峻谷悠

然嘆曰此與伯夷何遠今餘杭有東山蘇子瞻有游餘杭東西巖詩注云即謝

安東山此臨安之東山也本傳又謂及登台輔于土山營豐樓館林竹甚盛每

携中外子姪游集今土山在上元縣建康事跡云安石于此擬會稽之東山亦歸東山此金陵之東山也

含珠山 (上虞縣志) 在縣西南五十里

雙基山 (嘉泰會稽志) 在縣西南五十里俗傳仙人對奕于此

鳳凰山 (在縣西南六十里) 山有鳳穴

壇讎山 (在縣西南五十里) 水經注嶧山之成工嶠西有孤峰特上

飛禽罕至常有采藥者沿山見通溪尋上于山頂樹下有十二方石地甚方潔

還復更尋遂達前路言諸仙之所醮讎故以壇讎名山(太平寰宇記) 即謝靈運

遊宴之處今往一聞有簫笛之聲也

覆厄山 (明一統志) 在縣南五十里與太平山相連采謝靈運常登此山飲罷覆

厄山上今存一石竅大旱不涸呼為龍眠窟

全蠶山 (萬曆上虞縣志) 在縣西南二里漢魏伯陽著參同契于此旁有丹井晉

太康中浚井得金蠶故名

鳳鳴山 (在縣東南十餘里) 昔有仙女跨鳳至山後土人立祠祀

之誦靈惠真人左右有洞曰鳳鳴山飛泉噴瀑若冰柱水簾不可名狀

長者山 (嘉泰會稽志) 在縣南二里(萬曆上虞縣志) 宋周元吉居嘗張突不烟者

鄉人德之遂以名山

四明山 (嘉泰會稽志) 在縣南四十里詳鄞縣餘姚

握登山 (於越新編) 在縣西南四十里聖母廟下有虹樣村東西赤岸傍虹樣山

舊志謂握登山生舜之地者妄也

百樓山 (一) 在縣南十里高五里與縣相對(太平寰宇記)郡國志云石壁山南對小山(形方正如樓

馬目山 (水經注)曹娥江濱有馬目山洪濤一上波隱是山勢淪味亭間歷數縣行者難之

龍塘山 (嘉泰會稽志)在縣西南四十里一名鴉鼻山有上下二潭上潭泉脉不竭下潭多枯歲崇禎于此有驗里人結屋覆之

龜山 (萬曆紹興府志)一在縣東十里大查湖中一在縣西二十五里曹娥江西岸

夏蓋山 (於越新編)在縣北六十里世傳夏禹常駐蓋馬南距夏蓋湖北障海上

蓮峰山 (弘治紹興府志)在縣東與餘姚接境山腰有蓮峰寺
伏龍山 (萬曆上虞縣志)在縣北三十餘里巔有巨石橫四丈有奇世傳吳越公

主墓

福祈山 (弘治紹興府志)在縣北四十五里

橫山 (一) 在縣北又名九峰山

西莊山 (萬曆紹興府志)在縣西南四十里舊志云葛仙翁常隱此有石室如臼者五中有泉不竭山下有洗藥溪水底石如丹砂

蔡山 (一) 在縣西南五十里曹娥江西岸下為蔡山渡

孝聞嶺 (嘉泰會稽志)在縣北十里昔有包全居之以孝聞

筓竹嶺 (萬曆紹興府志)在縣東二十里接餘姚境

楊梅峰 (於越新編)在縣西南五十里上多楊梅

玉屏峰 (舊浙江通志)在縣東二十里狀如列屏

雙筍石 (明一統志)在縣西南七里石雙立各數百尺

鳳鳴洞 (輿地紀勝)一名仙姑洞昔有仙女乘鸞鶴來下洞有飛瀑濺沫嘗若風

雨

蕙薇洞 (明一統志)在東山之半舊傳晉謝安携妓遊處

上虞江 (嘉泰會稽志) 在縣西二十八里源出剡縣東北流入江分三道一出曹城江一自龍山下出舜江又北流至三江口入于海

通明江 (一) (在縣東十里源出餘姚江其西自運河入于江)

夏蓋湖 (一) (在縣西北四十里湖內三十六滄其岸北二斗門依山有神祠湖東北則夏蓋山也夏蓋亦作夏駕又作夏架水經云西陵湖西有湖城山東有夏架山湖水上承妖阜溪而下注浙江(舊浙江通志)北接大海岸有夏蓋山湖直其南唐長慶二年永豐上虞寧遠新興孝義五鄉之民割己田為之周一百五里 互見水利

白馬湖 (嘉泰會稽志) 在縣西南四十里在夏蓋湖南水經云白馬潭深無底創湖之始邊塘屢崩百姓以白馬祭之因名

西溪湖 (舊浙江通志) 在縣西南門外三十六湖之水鍾焉昔縣令戴延興築塘七里又名七里湖後屢湮萬曆十二年旱甚知縣朱維藩復之 互見水利

五夫河 (於越新編) 在縣東北三十五里納夏蓋白雲上妃湖水東達餘姚西橫

注于江 (會稽風俗賦注) 上虞有地名五夫秦皇封五大夫松處蓋流俗之傳

顧野灘 (嘉泰會稽志) 在縣西南四十里世傳顧歡家墾于此

飲牛溪 (一) (在縣南五十里帛道) 猷巖下石有繫牛足跡溪以此名

洗藥溪 (舊浙江通志) 在西莊山葛仙翁常浴藥于此水底石如碎丹砂流去復生他水皆受穢惟此溪澄澈纖塵亦一異也

姚浦 (水經注) 縣下有小江源出姚山謂之姚浦西接山陰浦而達于江

白龍潭 (明一統志) 在縣東南三十五里潭在山上下凡三請禱者挽接而上僅至下潭已日眩股慄不可留

海 (舊浙江通志) 縣去海六十里

新昌縣

五馬山 (弘治紹興府志) 又名北山在縣北二里

南明山 (嘉泰會稽志) 在縣南五里一名石城一名隱岳初晉僧曇无極于此

支道林昔美此山下梁天監中建安王造彌勒石佛像山有寶相寺寶慶會稽

續志)僧端辨云實天台之西門也吳越錢武肅王改曰南明據錢惟演重有隱修實相寺碑

隱岳巖來溪塘仙髻峰等處

天嶽山 (嘉泰會稽志)在縣西南七里

書葉山 一名五山 (萬曆紹興府志)在縣東南二里五峰相連如貫珠正對學宮之前

儼如書葉降而平行為縣治

獨秀山 (成化新昌縣志)在縣西北三里其脉自天姥山來起伏蜿蜒巍然獨峙

南巖山 (嘉泰會稽志)在縣西南二十里世傳任公釣魚之所(成化新昌縣志)

山巖陡險皆沙石積成如築墻狀以物觸之時有墜落世傳大禹治水東注積

成此巖是為海門

天姥山 (嘉泰會稽志)在縣東南五十里東接天台華頂峰西北聯沃洲山象宇

記云登此山者或聞天姥歌謠之響(廣博物志)道經云西火一刀可以逃言刻

逸之士沃洲天姥是其處(宋書)即國志)天姥山與括蒼山相連元嘉中遣(成化

名畫狀于圖扇(太平寰宇記)謝靈運詩願投刻中宿明登天姥舉即此也新昌縣志)高三千五百丈周四六十里道家稱為第十六福地

沃洲山 (嘉泰會稽志)在縣東三十二里晉帛道猷竺法深支遁皆居之戴許王

謝十八人與之游弭為勝會山有養馬坡放鶴峰皆因支遁得名(洞天福地記)

第十二福地沃洲山在剡縣南

鼓山 (嘉泰會稽志)在縣西四里山形如鼓

劉門山 (在縣東三十里相傳劉晨阮肇自剡採藥至此山有劉阮

祠採藥徑

彩烟山 (成化新昌縣志)在縣南八十里與東陽縣界

山背山 (萬曆紹興府志)在縣東三十里四面相距四十里旁皆峻嶺之外環

以大溪

東岬山 (嘉泰會稽志)在縣東四十里晉僧法深支遁皆隱居此世說支道林常

就深公買岬山深公曰未聞業由買山而隱

寒雲千疊山 (成化新昌縣志)在縣東三十里地氣高寒夏多挾纒

雪溪山 (名勝志)在縣東八十里其地陰寒多霜雪高五百餘丈有溪盤繞山中

渡王山 (弘治紹興府志) 在縣東十里

朱母嶺 (一) 在縣東六十里 (舊浙江通志) 洪武中知興甯驤過嶺腹

中持安易不致 乃歌曰清泉不與盜泉同何事

黃罕嶺 (嘉泰會稽志) 在縣北五十里唐咸通中觀察使王式敗裘甫處

蘇木嶺 (萬曆紹興府志) 在縣東北九十里五季時劉萬戶董彥先破馮輔卿于

此

蓮花峰 (弘治紹興府志) 在天姥山西屏峰攢簇如蓮花高二千五百丈

黃柏尖 (成化新昌縣志) 俗名望海岡在縣東一百里

穿巖 (嘉泰會稽志) 在縣西五十里有十九峰中峰有一圓竅東西通故曰穿巖

百丈巖 (萬曆紹興府志) 在縣西二十里兩山壁立上合下開中露天光一線有

玉華峰瀑布泉蓋奇境也

水簾洞 (於越新編) 在縣東四十里大坑之中高十丈廣三丈餘有飛瀑若垂簾

然

真溪洞 (嘉泰會稽志) 在縣東洞高四尺濶三尺深不知其底有持炬入者風自

洞出疾甚滅炬竟不得入

疊石 (成化新昌縣志) 在縣東八十里三石疊起側臨清澗下有石盤承之蓋天

成非人力也

柘溪 (嘉泰會稽志) 在縣東二十五里源出天姥山

石牛溪 (一) 在縣西二里源出天台山瀑布

東溪 (一) 在縣東一里其源來自天台石橋瀑布水支派入縣南流西

詳見水利

沃洲 (一) 在縣東七十里晉支道林帛道猷隱居于此

放馬澗 (寶慶會稽續志) 在縣東三十二里沃洲山西南支道林放馬之所

查浦 (嘉泰會稽志) 在縣北水經注云東流二百餘里與句章接界浦周六里

長潭 (萬曆紹興府志) 在縣西南三十里一名槐潭

夫人潭 (一) 在縣東五十里棠洲之側石壁高峻下臨深淵過者心

怖明洪武中僉事唐方之妻死節于此因名之

杖錫潭 (嘉泰會稽志) 在沃洲山下唐僧靈澈之故跡

嵒縣

剡山 (一) (在縣北一里白樂天沃洲記云東南山川越為首剡為白山

巖屹起小峰瑯白塔俗傳秦始皇東游使人劊此山以泄氣瑯坑山北有戴

顛墓(明一統志)一名鹿胎山獵士陳惠度射鹿處

艇湖山 (名勝志) 在縣東五里剡溪之左晉王子猷雪夜訪戴安道舟至此因

名

象駱山 (萬曆紹興府志) 在縣西五里出剡山之右其形如駝昂首臨溪而顧

城

葦山 (名勝志) 在縣東三十里山勢平如鋪葦舊經云山有白巖龍祠碧潭其下

衆流趨導湍石迅激

石鼓山 (嘉泰會稽志) 在縣東五十里白樂天沃洲記云北對四明而金庾石鼓

介焉(名勝志)世傳王右軍池中鵝嘗飛至此山中故又名靈鵝山

勒石山 (嘉泰會稽志) 在縣東北五十里下臨溪有石數百天欲雨石必先動

錦屏山 (名勝志) 在縣東七十里狀如錦屏有石井相傳以為龍窟有以物投井

者後自海畔人家見之因謂與海通稱為海眼云

龜山 (萬曆紹興府志) 在縣東七十里兩山皆如龜狀如母子然界乎二水合流

之間

三峰山 (弘治紹興府志) 在縣東七十里

金庾山 (名勝志) 在縣東七十里天台華頂之東門也夏侯曾先地志云有金庾

桐柏與四明天台相連唐裴通記云剡中山水之奇麗金庾洞天為最具北門

小香爐峰頂人莫能見之

(嘉泰會稽志) 桐柏在天台金庾在剡舊(洞天福地記) 又全以庾為桐柏蓋其山隴巖屬故爾

第二十七洞天金庾崇妙洞天三百里在越州剡縣褚伯玉沈休文居之

花山 (名勝志) 在縣東北三十里怪石奇松宛然圖畫下臨碧溪行舟如織漁樵

歌唱遠近相應

宋書張稷為刻令
至刺亭生子名味
字四山味之為字為
取四山相合如乘馬
乘雁之義

味山 (嘉泰會稽志) 在縣東三十四里水經云山下有亭帶山臨江松嶺森鬱

車騎山 (一) 在縣東四十七里舊經云晉車騎將軍謝元為會稽內史

常于此山立棲居止後人因以為名

姥山 (萬曆紹興府志) 在縣南十五里林木蕭鬱蒼翠刻之南望也山外為新昌

縣境

刻石山 (名勝志) 一名獨秀山在縣南三十里十道志云一名穿山宋昇明末縣

人倪襲祖行獵見山上有文凡三處蒼生其地刻苔視之具大石文曰黃天皇

蕭字道成得賢師天下太平小石文曰刻石者誰會稽南山李斯也唐寶元初

元稹使人訪碑不獲王十朋會稽賦謂苔封石刻即此

遁山 (一) 在縣西南四十里下有白雲塢漢車騎將軍求恭隱處

亞父山 (萬曆紹興府志) 在縣西南七十里相傳有採薪者遇一老人曰吾亞父

也當宅此山明日見石間足跡甚大

貴門山 (於越新編) 在縣西南七十里有三泉迸石穴曰三懸潭

鹿苑山 (萬曆紹興府志) 在縣西六十里

太白山 (一作大白) (名勝志) 在縣西七十里絕高者為太白次為小白面東者為西白

面西者為東白在東陽者為北白刻錄云峻極崔巍吐雲納景趙廣信昇仙處

也石筍對立如闕瀑泉飛下孔暉記云刻縣西七十里白石山有瀑布水巖際

有客房採薇者以葛藤連結然後能至南史褚伯玉居剡中齊高帝勅于剡西

白山立太平館居之宋書褚伯玉隱身求志居剡縣瀑布上處一棲今西白山

有瀑布泉是其處

葛岘山 (嘉泰會稽志) 在縣西北二十里

石門山 (名勝志) 在縣西北二十五里山有石洞旁有龍湫

五龍山 (萬曆紹興府志) 在縣西北四十里水自真如山來滙為龍潭者五有晉

高僧帛道猷道場

子周山 (嘉泰會稽志) 在縣西北七十里

紫巖山 (弘治紹興府志) 在縣西北七十里

榆樹山 (嘉泰會稽志) 在縣西北八十五里

了山 一名餘 (弘治紹興府志) 在縣北一十二里

謝巖山 (在縣北三十里謝康樂所遊) (味縣志) 剡錄云山隩深峭

被以榛莽有巨澗奔激清湍瀾騰映帶左右入于溪下為三墜巖其深淵迂裊
紺碧一色

小白山 (奉嘉會稽志) 在縣西六十里真誥云趙廣信陽城人魏末渡江來此山

師李一成服氣又授師左君守中之道後白日升天有丹井今存

黃山 (名勝志) 在縣南十里又名方山

峭山 (嘉泰會稽志) 在縣北四十里輿地志云後溪口溯江上數十里兩岸峭壁

勢極險阻乘高瞰下有深林茂竹表裏輝映名為峭嶽奔瀨迅湍以至海也
注峭山與嵎山接二山雖曰異巖而峰巒相連其間傾澗懷烟泉溪引露吹哇風聲觸岫延賞

東林嶺 (弘治紹興府志) 在縣東七十里

白峰嶺 (在縣西八十里入東陽縣界)

清風嶺

(在縣北四十里舊名青楓宋王烈婦死節于此因易今

名

聖巖 (萬曆紹興府志) 在縣北七十里高百丈長一里上有行路下可避風雨

馬蹄石 (輿地紀勝) 在縣東北相傳秦皇東遊經此馬蹄所踐也

毛竹洞 (於越新編) 即金庾洞：口有竹生毛

白雲洞 (萬曆紹興府志) 在縣東七十里與金庾山相近風月之夕山中有聞吹

笙者相傳王子晉仙去後主治天台華頂號白雲先生往來金庾之間今山下
有白雲祠

石闌干 (名勝志) 在縣西南四十五里與峭浦相連

峭浦 (嘉泰會稽志) 在縣西南四十五里水經云峭山成工嶠以北有峭浦

了溪 (明一統志) 在餘糧山下越絕記禹鑿了溪人方宅土

剡溪 (嘉泰會稽志) 在縣南一百五十步溪有二源一出天台一出婺之武義西

南流至東陽入縣一百四十里東北流入上虞縣界(太平寰宇記)即王子猷雪

夜訪戴逵之所

墨池鵝池 (弘治紹興府志) 在全虞山右軍舊居處也又獨秀山亦有墨池
鹿苑潭 (輿地紀勝) 在縣西鹿苑寺源出山巔二小穴歲旱投簡驟雨即至



